



Tapihī! Tapā!



He Aho Tapihi-tapā

Kua momoka mai te ua
Ma te lagi kua fakapouli
Fakaofiofi loa o matou
kofu fakaua
Mo te aho tapihi-tapā.

Kua tapihi-tapā ki matou
I luga o te vao i tuafafo
Kae teletele galivaliva
haele ake na kelemutu
Ma na hihi e tele heke ake.

E tutū ki matou i te tafega
Ma o matou vae e tapihi-tapā
Kae ko na moti ua e takape
Tapihi-tapā i te auala.



E fakaopea e matou ni mea lakau
I na vaitafe o uaga.

E puna, e tafiti
Kui atu i te alavai tapihi-tapā.

Ko te ua e motimoti
Ki luga o na fale ma na lakau.

Ko ki matou e feoho
ki loto o na vaivai
Ma tapihi-tapā ma te fiafia.

John Parker

na tuhia te ata e Christine Ross



Na Leo i te Po


I na po
Ko na puhi e miha ...
Tufeanu, hae, hihī, tagi taukeke,
Tuli puhi, pakapakau, tamate, tataka ...
I po uma.

I te pouli
Ko na maile e ou ...
E kamata e he maile
e fokotahi,
kae tali uma mai ietahi maile,
E kalalaga leo lalahi na tala fōu
a maile ki te lagi ...
Kafai kua pouli.

Kae koi momoe ki tatou
Ko na hetihoki e tolotolo ...
E hogihogi ma ta huahua
To latou auala i te mutia ...
Kae koi momoe ai ki tatou.

Joy Watson

na tuhia te ata e Fraser Williamson



Nae iei te apu a Michael,
E kukula mai te lakau,
Takatikati
Ma lamulamu.
Tahi, lua, tolu!

Ko na fatu nae i loto o te apu,
Nae malu i loto o te koa.
“Teu ko fakalelei na fatu,”
na lea atu ai ia Michael.
Lua, tolu, fa!

Totō ki loto o te fatoaga,
Fakatutū ni lakau takamilo.
“Ola, ola, ola,” na lea atu ai ia Michael.
Fa, lima, ono!

Na totō na apu a Michael,
Tuku ai ki luga o he peleti,
Nae takatikati
Ma lamulamu.
Ono, fitu, valu!

Nancy Bruce

na tuhia te ata e Elspeth Williamson

Uiga Fakapuhi

I te pouli ko taku puhi e fano
ke havalivali
ke talanoa
ke taumulimuli
ke OHO!

Ka mālama ko taku puhi
e toe hau ki te fale
ke inu
ke takemokemo
ke tagitagi
ke m o e ...



Bea Hamer

na tuhia te ata e Robyn Belton



Katepila

Ni a ta na katepila e fai?
E he lahi, na ko te lamulamu.

Ni a te iloa e na katepila?
E he lahi, kae pe vehea ke tuputupu.

E kakai oioti ki ho he mea
Ke mafai ke ve ko he pepe lele,

Kae e hili atu tena i lo na mea
e ko mafaia

E tuha lava ko au e lamulamu.

Aileen Fisher

na puke te ata e Don Hadden



Meli Huavaia

Ko te meli e mafai
ke maligi mālie.

E teki ake koe,
kua gogolo i na tafa
o tau pāgugu.

Toe PAKŪ –
ma te tahi moti ki te fola.

Ko te tahi moti
na ko taofia
i he tamā togafiti –
ko te hopo fakavave lava
e ve ko te hopo a te moko.

John Parker

na tuhia te ata e Philip Webb



Peteni

Ko na uaea fakamatākupega gigila –
Ko he peteni gali.

Ko na tafaono taigogole ienei
E fano ai lava e he gata.

E fakaaogā e na pi te aitia tenei
Ke fau ai o latou ofaga.

E iei la te tino kua kopi!

Kae ko iefea nei na mea e hili?

Alan Bagnall

na tuhia te ata e Peter Campbell

Papulukamu

Papulukamu puputa
E gaholo e **fuaefa**,
Kua tali fakaluagia,
Papulukamu,
He papo kua tupu,
E gaholo e **fuaefa** ...

PA!

Kua heai he papo.
Te ia Mami.
Healoa la koe,
Kua pipiki,
Kua pa te papo,
Papulukamu fuaefa
Kua pakia lele.

Simon Cooke

na tuhia te ata e Christine Tate



MATĀEKE O AKOAKOGA A TOKELAU

ISBN 978-982-9181-22-0



9 789829 181220